

妻川侯縣造藤繼女產男其體自胸以上兩頭分裂二人相對四手相具面貌美麗頭髮甚黑自腹以下同共一體生而一日死焉

〔百練抄七條〕永萬元年四月十二日近衛河原邊有異兒胸已上二人體也頭二手四也胸已下一人也令諸道勘申和漢之例

〔日本書紀十一德〕六十五年飛驒國有一人曰宿儺其為人壹體有兩面面相背頂合無項各有手足其有膝而無脰踵力多以輕捷左右佩劍四手並用弓矢是以不隨皇命掠略人民為樂於是遣和珥臣祖難波根子武振熊而誅之

無手人

〔和漢三才圖會十倫之用〕無手人俗云止久利古中略

按無手人俗呼名岳兒說文云人無右臂曰子音結延寶年中攝州大坂有生無兩手者以足辨用且書字射弓出芝居乞錢予寺島良安亦見之

駢拇

〔倭名類聚抄三病〕駢拇上音薄堅反駢拇此莊子云駢拇枝指問云無豆於與非

〔箋注倭名類聚抄二病〕所引駢母篇文略中曲直瀨本堅作緊按唐韻駢部田切薄堅部田字異音同在平聲一先緊在上聲十六軫作堅為是又按莊子釋文引司馬彪云駢拇謂足拇指連第二指也崔譔

云諸枝連大指也又引三蒼云枝指手有六指也崔云音岐謂指有岐也是駢拇枝指不同而枝指宜訓六指訓駢母為六指誤又按演繁露云拇大指也枝小指也駢拇即大姆根而兩歧也枝指是小指

兩出也據是說則駢拇亦可為六指又唐李邕撰寶居士碑云駢拇者疾多言者窮以駢拇對多言是亦以為六指也然僖廿三年左傳晉重耳駢脅杜預注駢脅合幹正義駢訓比也骨相比迫若一骨然是可以證駢指之為連指則以為六指非是也

〔伊呂波字類抄无體〕駢母 ムツナヨヒ 枝指 同

〔下學集上支體〕駢拇 ムツナヨヒ